

4. se virum vidisse, qui cum tussi sicca usq; ad tabem maceraretur, eiq; diætā frugi ex humectantibus & temperamento leniter frigidis indixisset, tandem oborta tussi, ex pulmone lapidē quidem durum, exquisitè tamen leuem, eructârit, qui pavimento illisus resiliiret: vnde patiens tussi leuatus est.

Anno 1561. Gabriel Valopius vir præclarè doctus, & Anatomes omniū qui tum in Italia claruerunt, peritissimus, quibusdam amicis suis morem gerens, in celeberrima schola Patauina, iuuenis cuiusdam viri corpus secuit: qui aduersa valetudine diuturna vsus, tabe paulatim cōsumebatur, de anhelo pectore, & quotidiana tussi præcipuè querens, donec tandē placidè ex hac vita migravit. In eius pulmone Valopius quatuor lapides offendit, nullum faba maiuscula minorē, latos nonnihil & tuberosos, cinereos & subduros.